

Hawaiian - Agape Bible - God's Love Letter Scriptures

John 15:9 "Jalike da Fadda get love an aloha fo Me, dass how I get love an aloha fo you guys. Hang in dea an stay tight wit Me, so I can give you guys My love an aloha.

Isaiah 43:1,2 - Fo Da Efesus Peopo 2:10 God da One wen make us guys how we stay now. He wen make us stay tight wit Jesus Christ, so now us guys can do good kine stuff. Even befo He wen make us, He wen make ready all da plans fo us guys fo do all dose good tings.

Jeremiah 1:5 - Fo Da Galatia Peopo 1:15 But God wen pick me even befo I wen born. Latas He tell me fo come by Him, cuz He like do someting spesho fo me.

John 15:16 You guys neva pick Me. I wen pick you guys, an give you dis job: go do plenny good stuff dat stay long time, jalike one grape vine dat give plenny good fruit, long time. Den, anyting you aks My Fadda fo do cuz you My guys, Me goin do um fo you.

Numba 3 From John 1:2 My friend, I stay aks God fo make everyting stay good fo you, an yoa body stay good too, jalike yoa spirit stay good.

Isaiah 43:4 - Numba 1 From Peter 2:9,10 But you guys da one God wen pick. You da priest guys fo da King. You guys da peopo dat stay spesho fo God. You, da peopo God say, "Dey mines." So den, you guys goin tell everybody all da good stuff God wen do. He wen tell you guys fo come outa da bad kine stuff, an stick wit da good kine stuff he like us do. Jalike you go outa da dark an come inside da light. 10 Befo time you guys wen make jalike you guys not one ohana, but now you guys God's ohana. Befo time God wen like give you guys chance, but you guys neva take um. Ony now, you guys take um.

Jeremiah 31:3 - Fo Da Efesus Peopo 1:4 Befo God wen make da world, He wen pick us awready fo be His guys an fo stay tight wit Christ. He wen like us be good an spesho fo Him. So den no goin get nobody fo poin finga us guys. God know everyting bout us guys. He get choke love an aloha fo us.

Numba 2 Fo Timoty 1:9 Eh! God wen take us outa da bad kine stuff. He wen tell us fo come an be all out fo Him. Az not cuz us guys was doing good kine stuff, you know, But cuz He wen make one plan, An He like do good tings fo us guys. He wen do all dat fo us befo da world wen start, Cuz He know we goin stay tight Wit His Spesho Guy Jesus Christ.

John 3:16 "God wen get so plenny love an aloha fo da peopo inside da world, dat He wen send Me, His one an ony Boy, so dat everybody dat trus Me no

get cut off from God, but get da real kine life dat stay to da max foeva.

Hosea 11:8; Isaiah 49:15,16; & Isaiah 41:13,14

Luke 12:32 "You guys, you jalike baby sheeps. No scared, cuz yoa Fadda da King like give you everyting He get.

Matthew 28:20 Teach um how fo do everyting dat I wen tell you guys fo do. An you know wat? I goin stick wit you guys all da way, till da world goin pau."

John 14:1 "No need you guys come all bodda inside yoa heart. Trus God, an trus Me too.

Songs fo God 23:1 - John 10:11 "I jalike one Good Sheep Farma, cuz da Good Kine Sheep Farma give Himself fo mahke fo His sheeps.

Songs fo God 23:2 - Wat Jesus Show John 7:17 Cuz da Baby Sheep Guy Dat sit in da middle a da throne, He goin take care dem Jalike one sheep farma dat take care His sheeps. He goin take dem by da puka Fo da water dat make peopo get life fo real kine. An God goin wipe away all dea tears from dea eyes."

Songs fo God 23:3,4 - Luke 1:79 So da peopo dat stay do bad kine stuff, Jalike dey stay live inside da dark an no can see notting, An dey goin mahke inside, God goin help dem fo know da trut. Den we goin see da right way An den our heart goin rest inside."

Songs fo God 23:5,6 - Numba 2 Fo Da Corint Peopo 1:10 He wen take us outa da bad kine stuff, wen we almos wen mahke. An He goin take us outa da bad kine stuff nex time too. We still yet stay shua He goin take us outa da bad kine stuff ova an ova.

Fo Da Philippi Peopo 4:7 Den, God goin make you guys hearts rest inside. Dat goin be mo betta den anybody can figga. God goin take care yoa hearts an yoa heads, cuz you guys stay tight wit His Spesho Guy Jesus Christ.

Da Stories 3:24 & Songs fo God 4:8 - John 14:27 "Wen I go way, I goin make you guys hearts rest inside, da kine rest dat ony I can give. All da stuff inside da world no can make you guys rest inside lidat. No let yoa heart come all funny kine inside! No scared!

Songs fo God 33:18 - Numba 1 From Peter 3:12 Cuz da Boss Up Dea get aloha fo da peopo Dat do tings jalike dey suppose to, An He listen good wen dey pray to Him, But da Boss stay agains da peopo dat do da bad kine stuff."

Fo Da Rome Peopo 5:2 Christ wen make um so we can come tight wit God an get all da good stuff He like do fo us, cuz we wen trus Him first. An dass how we come solid inside. We feel good inside cuz we stay shua dat bumbye God goin make us come awesome jalike Him.

Isaiah 55:12 - Luke 19:40 Jesus say, "I telling you, if dey shut up, even da stones goin yell same ting."

John 16:22 Same ting wit you guys: Now, you guys stay sad an crying inside,

but bumbye I goin see you guys again, an den you guys goin stay good inside. Dat time, no goin get nobody can make you feel bad again.

Luke 12:9 But da guy dat say in front da peopo dat he no like be My guy, I goin say in front God's angel guys dat he not My guy.

Matthew 10:30 Yoa Fadda, He even know how much hairs you get on top yoa head!

Isaiah 54:10 - Matthew 24:35 "I da Guy Dass Fo Real. Wen I come back, everyting goin be jalike befo time wen da guy Noah wen stay.

Matthew 11:28-30 "All you guys dat stay tired from working hard, an stay trying fo handle all da heavy kine stuff dat da Rules say, come! Come ova hea by Me. I make you guys rest now. 29 Jalike da oxes get yoke on top dem fo pull da load, you guys put My yoke on top you, an go learn fo do wat I teaching you. I stay gentle an I like take care peopo befo Me, so yoa hearts goin rest inside. 30 Cuz My yoke real good, an My load real easy."

Songs from Solomon 2:10 & Hosea 2:14,19,20

Numba 2 Fo Da Corint Peopo 11:2 Jalike God stay jealous fo you guys, I stay jealous fo you guys too. I wen promise Christ dat He can take you guys in, an you guys not pilau inside, jalike one husban take da wahine dat neva sleep wit nobody yet.

Outa Egypt 3:14 - Fo Da Hebrew Peopo 13:8 Cuz Jesus Christ, He stay da same, yesterday, today, an foeval!

Hosea 13:4 - Jesus Guys 4:12 No mo odda guy dat can take da peopo outa da bad kine stuff dey doing. Neva have nobody in da whole world dat we gotta stick wit fo take us outa da bad kine stuff we doing. God ony wen give us Jesus fo do dat."

John 15:14 You guys stay My friends, if you guys do da stuff I telling you guys fo do.

John 14:6 Jesus tell um, "No mo odda guy can bring peopo to da Fadda, ony Me. I bring peopo to um, jalike I da road. I da guy who get da trut. I da guy dat make da peopo come alive fo real kine.

Wat Jesus Show John 3:20 Listen! I stay ova hea, standing outside da door an knocking. Anybody hear My voice, an open da door, I goin go inside his place, an eat wit him, an he goin eat wit Me.

Pastor T. John Franklin
Church of Salvation, Healing, and Deliverance
COS-HAD.org